



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



Lekala le sireletsa Basotho

2

Komiti e phethela tšebetso

3



SR E EMA LE LIPHOLO

www.moeletsioabasothon.co.ls



Re se re fumaneha ho marangrang

Email: newsroom@moeletsioabasothon.co.ls
Tel: +266 28350466/ Whats app: 62600983

MOELETSI**Ke hona ho tla etsoa**

Bothata bo boholo boo esale bo aparetse Basotho ba phelang Naheng ea Afrika Boroa, ekare bo tla rarolleha hobane 'Muso oa Lesotho ka Lekala la Borena, Lehae, Sepolesa le Puso ea Libaka le boletse lintlha tse 'maloa le litharollo tsa teng. Letona le eteletse lekala leo pele le re ho latela lipuisano tse bileng teng lipakeng tsa mebuso e 'meli ka letona la mehlang la Afrika Boroa li bile ntle haholo, 'me ho entsoe likopo mabapi le lipolomiti tse felloang ke nako hore li eketsoe.

Mokhatlo oa Basebetsi ba kantle ho Naha o re litaba tsena tsa lekala ha li na thuso hobane ha li e-s'o kene tšebetsong, esale monahano feela. Menahano eo e nepahetse empa maamong a teng hona joale ha e thuse ka letho hobane Basotho ba ntse ba tlaletsoe ke noka, ba ntse ba phalalisoa le ho phela joaloka linonyana Afrika Boroa. Ka hona 'muso o lokela ho potlakela tokiso ea litaba tseo e le hore bana bao ba habo rona ba tsebe ho phela ka khotso le khutso.

Ka lehlakoreng le leng, tabeng e melomong ea batho matsatsing ana ke a Dr. Tšepo Lipholo ea ho loanela hore naha ea Lesotho e nkuoeng ke Afrika Boroa e khutle. 'Muso oa Lesotho o bontšitse ona o sa tsebe letho ka leeto la Lipholo ho ea Ntlo-Kholo ea Machaba a Kopaneng Amerika. O bontša ka taba eo e hloka ho sebetsoa ka hlokolosi hobane e ka baka tšollo ea mali le hona ho senya likamano lipakeng tsa linaha tsena tse peli. Dr. Lipholo o re holatela tumellano e ileng ea etsoa ke ona Machaba a Kopaneng ka selemo sa 1962, hore joale ke nako ea ho phethahatsa tšepiso eo.

Se makalitseng Letona la Machabeng ke hore Lipholo o re lefatše leo kamora hore le khutle a le fuoe hobane le tla be le se na monga lona. Ana hoo ha se ho hlompholla Botlotlehi le sechaba sa Basotho? Motho o sa ipotsa hore na Lipholo o fela a loanela Basotho kapa o tsekela eena naha? Ke hore ntho ena ea boichebo e kene kahar'a Basotho hoo ho seng ho se boithibo, le ntho eo ho hlakileng hore ke ea kopanelo motho o e etsa ea hae. Re se re batla matla ka litsela tsohle tse teng, hoo re seng re sa hlokomele leha re ithahisa hanyenyane bathong.

Setsi sa Litsela se kopile Basotho bohle ba pela litsela ho itlheka hobane setsi se mothating oa ho ntlafatsa litsela. Baitšokuli ba sebetsang haufi le litsela ba re ntlafatso eno e nepahetse ebile e'a hlokahala. Leha ho le joalo ha ba tsebe hore na ba tl'o etsa joang kapa hona ho ea kae hobane ke hona moo ba iphelisang teng. Litaba tsena li bohloko hobane ho se ntse ho le thata, naha e aparetsoe ke tlala le tlhokahalo ea mosebetsi. Ho tlohela mosebetsi maamong ana ke lefu feela.

Komiti ea Paramente ea Molao e phethetse tšebetso ea ho batla maikutlo a sechaba mabapi le litšoantšo tsa molao. Sechaba se bontšitse ngongoreho mabapi le lintlha tse latelang; batho ba fuoang 'bail' ka mokhoa o bobebe haholo, hoo litloli tsa molao li se seng li iketsetsang feela hobane li tseba hore li tla lefa. E 'ngoe ke e mabapi le bosholu ba liphoofole, se re kotlo e fuoang batho bao e eketsoe hobane ke moo batho ba bangata ba iphelisang teng. Hape leruo la liphoofole le tšoere moruo oa naha. Ho feta moo sechaba se lla ka phano ea lithunya tseo mafu a mangata a hlahang ka tsona haufinyane tjena. Molao oa phano ea lithunya o ke o shebisitsoe hantle ho sireletsa sechaba khahlanong le lipolao tsena.

MOLIMO A BOLOKE LESOTHO LE BASOTHO**Lekala le sireletsa Basotho****Nthabeleng Seithleko**

Letona la Borena, tsa Lehae, Sepolesa le Puso ea Libaka, Mohlomphehi Lebona Lephema, o re ho rarolla bothata ba Basotho ba phalalisoang le ho sotloa naheng ea boahelani, 'muso o tliil'o etsa boithuto bo bong, ka ho etela linaha tse kang Botswana le Namibia tse phelisanang hantle. O boletse tsena, 'mo-

sano li ntse li tsoelapele. A re ha joale ba shebile hore bonyane Basotho ha ba jele matsatsi ba fuoe matsatsi a 15 a mohau, kaha mabaka a batho a fapakana a et-sang hore ba etse seo.

O re ha joale Basotho ba nang le lipolomiti ba sebet-sang Afrika Boroa ba ntse ba nchafatsoa ka lilemo tse peli, 'me ke Basotho ba 54,000 ba nang le lipolomiti ebile ha joale ha ho amoheloe likopo tse ncha. A re litaba tsena ba ile ba li buisana le letona la mehlang la naha eo, moo ha joale

malibohong, e le ho nolofatsa motsamao lipakeng tsa linaha tse peli. O re ba khutletse morao empa qetellong ba lakatsa ho bona litaba tsena li tsoelapele.

Mothehi oa Mokhatlo oa Basebetsi ba kantle ho Naha Lerato Nkhetšē, o itse lekala le lokela ho tla sechabeng ka litharollo eseng litaba tse sa utloahaleng, ka hoo 'muso o hlalose hore na o lopolla Basotho ba sotle-hileng naheng eo joang.

O re ha letona le ts'oare ka thata ho bua litaba tse molemong oa Basotho hore ba tsamaee ka bolokolohi, ba se ke ba utloisoa bohloko ke batho bao. O re ba loke-la ho bona hore sechaba se



keng oa bo-ralitaba oa la 12 Hlakola monongoaha.

O re 'Muso oa Lesotho o sa le lipuisanong tse matla le oa Afrika Boroa, hore Basotho ba fuoe likhoeli tse tharo ba le ka Afrika Boroa, le hoja ho utloahala hore ha ho na lithopho tse entsoeng ke mebuso e 'meli ha lipui-

kamor'a phetoho ea puso ba ntseng ba leka ka hohle ho bona hore lipuisano tsa bona li tsoelapele.

A re har'a mesebetsi e meng eo ba ileng ba atleha ho e fihlela ke ea bahlanka ba neng ba le morerong oa libeke tse peli oa boithuto, ho sebelisana ha bahlanka

fumaneloa tharollo hobane Basotho ba phela naheng eo joaloka linonyana ka lipalo tse holimo ka lebaka la tlhokahalo ea mesebetsi.

H' a phethela o ipilelitse ho 'Muso oa Lesotho ho ema le Basotho ka 'nete eohle 'me ho bonahale tšisinyeho eseng lipuo feela.

Contacts: +266 28350 466

62600983 WhatsApp

Email: newsroom@moeletsoabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKHETSE MORENA SECHABA SE PHETHEHLING (LUKE 1,17)

Editorial

Lesoetsa Rakubutu

(+266) 6203 1949 / 58190670

EMAIL: editor@moeletsoabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seithleko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

Komiti ea Molao e phethela tšebetso

Nthabeleng Seithleko

Komiti ea Paramente ea Molao e phethetse letšolo la ho potoloha le sechaba ka sepheo sa ho bokella maikutlo ka litšoantšo tsa molao tse tharo. Litaba tsena li boletsoe ke setho sa komiti ena, Adv. Lekhetho Rakuoane ka la 12 Hlakola monongoaha.

O hlalositse hore litšoantšo tsa molao tseo ba neng ba bokella maikutlo a sechaba ho tsona ke tse ileng tsa bonahala li qholotsa Basotho ka bongata, molao oa phano ea 'bail' makhotleng, molao oa thibelo ea bosholu ba liphoofole le oa taolo ea lithunya.

O re batho ba bangata ba seboko ka hore phano ea 'bail' e bonahala e etsoa ha bonolo Makhotleng hoo litloli tsa molao li iketsetsang ka ho rata hobane li tseba hore li tla fuoa 'bail' e bobebe hore ba li e lefe, 'me sechaba se tletleba ka taba ena hore e ke e shejoe ka matla. A re ba fumane liphuputsong tsa bona



hore sechaba se khothaletsa hore e fanoe empa ka mabaka a utloahalang.

Ba re likotlo tse fanoang ho masholu a liphoofole li lokela ho shejoe ka matla hobane

hoo ke ho senyetsa naha le ho ama moruo oa naha, le lithunya li se ke tsa fanoa feela. A re ba potolohile le litereke tsohle, ka thuso ea tlhophiso ea lipitso ho Babusi

ba Litereke le Marena. O re ho matlafatsa molao, maparamente ka lihlomathiso tsa molao ba nka nako e telele hore ho fetisoa molao 'me ba lakatsa hore ba ip-

humane ba fetisa melao ka nako, ho se ke hoa nkoa lilimo joalokaha ba entse ba ntse ba bokella maikutlo a sechaba.

Potsong ea hore na sechaba se re'ng ka melao ena? O supile hore batho ba bangata ba seboko ka bophethahatsi kamor'a ho fumantšoa tlhaloso ea hore ho na le melao e ntseng e le teng. Molao o totobatse hantle likahlolo le hore na batho ba ahlloe joang ho ipapisitsoe le'ng. Ho feta mona Molula-Setulo oa komiti Evaristus Ramakatsa, o hlalositse ba le motlotlo ho phethela leeto lena le bileng le telele, le ho eelloa hore Basotho ba hloka ho fuoa thuto ka melao e ba kenyeletsang. A re ba hlokometse hore Basotho ba haelloa ke tsebo ea melao e teng le e ka ba sireletsang.

A re ho bohlokoa hore e le maparamente ba etele sechaba pele ba etsa liqeto, ba fuputse maikutlo a sechaba kaha a tla ba thusa ho ntlafatsa tšebetso ea bona le ho etsa liqeto tse molemong oa sechaba.

Ba tlosoa pela litsela

Nthabeleng Seithleko

Setsi sa Litsela se ipiletsa ho sechaba ho tloha litšeng tsa tsela ea Moshoeshoe Road, A6 le A7 ea Kofi Annan Maseru, molemong oa ho nolofaletsisa setsi ho etsa lintlafatso haufi le litsela. Litaba tsena li boletsoe ke Mookameli oa Tokiso ea litsela, Teboho Mokhoane, ka la 11 Hlakola monongoaha.

O re setsi se qalile tšebetso ea tokiso litsela, 'me Basotho ba khothaletsoa ho tlosa matlo le likhoebo tsa bona pela tsela, ka hona ba fuoa ho fihlela ka la 21 Hlakola monongoaha.

O re sena ke hobane se kena-kenana le tokiso ea tsela, le likoloi tse lokisetsoang ka tseleng tse sitisang phallo ea sephethephethe.

O bontšitse hore ba na le lintlafatso tseo ba ntseng ba li etsa tseleng ea Kofi Annan e qalileng ka selemo sa 2023 ea bolele ba 24KM e sebelisitseng chelete e



kaalo ka M282 Million. O re tebello ke hore ebe tselena e fihlile pheletseng empa ba ntse ba khibela ka lebaka la lintlafatso tse entsoeng ke sechaba pel'a tsela.

O re tebello ke hore bohle ba pela tsela ba cheche, ba tlohe libakeng tseo hore ba se sitise lintlafatso ho et-

sahala. A re tšebetso e tlo pharalla le naha ka hona batho bohle ba ke ba mamele ba tlohe pela tsela.

E mong oa banna ba entseng khoebo 'mileng oa Kofi Annan, o hlalositse hore ba fuoe mangolo a ba tsebisang hore ba tlohe pela tsela, 'me taba eo e bohlokoa empa bahlan-

ka ba bonahala ba sa etse mosebetsi oa bona hobane meaho e ba teng ba ntse ba le teng ho se tlhahlobo e etsoang.

O re o eme le monna mateneng hobane ha tsebe seo a lokelang ho etsa hore ea khoebo ea hae e se amehe. O itse ho bohlokoa hore bahlanka ba etse

mosebetsi oo ba o hiretsoeng, ba se ke ba emela batho ho etsa lintlafatso le

mekhoa ea ho iphelisa ebe ba hlahisa lintlafatso.

A re taba ena e bohloko hobane e senya thepa e ntlafalitsoeng ea sechaba, hape ho ama kholo ea moruo oa naha. A re leha ho le joalo o ikemiselitse ho tloha sebakeng seo leha ho le thata khoebo ea hae e tlo putlama.

RE TŠEHETSA BACHA

Tšeliso Thakholi

Leha ho bonahala karolo e kholo ea bacha ba Naha ea Lesotho ba ntse ba aparetsoe ke leqeme la tlhokahalo ea mesebetsi, ho ntse ho e-na le bacha ba ikemiselitseng ho itšoarella ka matsoho ho hlahisa mesebetsi ka ho iqalla likhoebo tse nyenyane. Toka Ralikhomo eo sethathong morero oa hae e neng e le ho otlala talenta ea bacha ea papali ea kalaneng, eitse h'a hlokomela hore a ka iphelisa ka mokhoa oa ho qala khoebo, ke ha a tla theha khoebo e hoebang ka ho hlahisa mofuta eohle ea lihlahisoa tsa tšepe.

Lebitso la khoebo

Khoebo ena ea ka e bitsoa Ralikhomo Fabrication and Welding Engineering PTY LTD, 'me ke e thehile ka la 6 Phupjane 2021. Ka e ngolisa ka molao ka la 7 Tšitoe 2022. Ea qala ho sebetsa le ho fumana lengolo la ho hoeba ka la 1 Phupjane 2023.

Qaleho ea khoebo

Ha ke ntse ke le ka Sekolong sa Mesebetsi ea Matsoho le Mahlale sa Lerotholi ke ile ka hlokomela hore mesebetsi ha e eo, ea sokoleha kahar'a naha, 'me bohola ba rona re batla hore ha re qeta ho fumana mangolo bohle re hiroe 'me ha se taba e bobebe haholo eo. Ke ile ka qala ho bokeletsa chelete e kaalo ka M600.00 ho ea litsiane tseo ke neng ke li fuoa ke NMDS khoeli le khoeli e le hore ha ke etsoa ka Fokothi ke tle ke iqalle khoebo. Ke ile ka fela ka atleha ho etsa joalo, 'me eitse ha ke qeta ka Fokothi ka batla mechini ho tla qala tšebetso e le ho imolla 'muso oa habo rona ka ho hlahisa mesebetsi.

Sepheo

Morero o moholo oa ka oa ho theha kampani ena ke ho imolla 'muso oa habo

rona hobane kannete ke ne ke shebile tlhokahalo ea mesebetsi kahare ho naha. Mehlang eane ea pele ho ne ho tsebahala hore baithuti ba sekolo sa mesebetsi ea matsoho ba fumana mesebetsi hang ha ba qeta, empa hajoale haesale ntho e teng hobane mesebetsi ha e eo

letsa le ena e koalang lifenstere ho thibela masholu. Re ile ra boela ra hlokomela hore lihoai li'a sokola, 'me re hlahisa maloala a silang lijo tse kang poone, mabele, koro le lithaka le e khotolang poone. Re etsa le mek'huk'hu ea khoebo le ea bolulo. Re boetse re amo-

sebo tse batloang ke likampani nakong eo ba batlang mesebetsi. Litsebo tsa mofuta o joalo li'a hlokalala.

Bacha bohle ba tsoang likolong tsa mesebetsi ea matsoho tse kang tsa Fokothi le Limkokwing re ba fa tsebo e hlokalalang

e lula nako eohle e lata thepa e kang ea mechini kantle ho naha.

Tšebetso ea lichelete


Ho fihlela ha joale ha re e-s'o be le tšebetso eo re ileng ra e fumana, khoebo ena e ntse e hola le ho hlahisa mesebetsi ka chelete eo re ntseng re iketsetsa eona kapa e tsoang ka lipokothong tsa ka ho bona hore kampani e'a hola e 'ne e tsoele pele. Leha ho le joalo, mamati a ntse a butsoe ho batho bohle ba boithatelo bo botle ba ka ratang ho re tšehetsa kaha theko ea thepa e le boima haholo.

Likatlheho

Re bile le moralo o motle haholo o sa kang oa atleha oa BEDCO, 'me ra sitoa ho fumana chelete ea lithuso eo e neng e batla. Likolo tse kholo tse kang Fokothi le Limkokwing re li leboha haholo hobane li na le tšepo ea ho tliša baithuti ba qetelang ho tla etsa 'internship' ea bona le rona. Kannete taba ena re e leboha haholo. Hajoale re na le baithuti ba bararo ba seng ba qalile 'internship' ea bona, 'me re le kampani re motlotlo haholo ka taba ena kaha re boetse re na le ba bang ba ileng ba etsa 'internship' ea bona koano 'me ba fumaneng mesebetsi o hlamatsehang haholo. Re lebohela bohle baithuti ba ntseng ba e-tla ho rona koano ho tla fumana tsebo, 'me ka tsebo eo eba ha ba lule feela ba qala ho ithahisetsa mesebetsi.

Keletso ho bacha

Bacha ba tlise letsoalo kahare ho bona. Ba na le letsoalo la hore ha ba lokela ho qala likhoebo ba behe ho feila kapele ho e-na le ho beha katleho. Ha ba ka tlosa letsoalo ba kenya ho atleha ba ka fela ba atleha hobane ntho e 'ngoe le e 'ngoe e et-sahalang ke matla a leleme. Ke khothaletsa bacha bohle ho etsa mesebetsi ea matsoho hobane ke hona moo pholoho ea bona e tlang ho hlaha hona teng.



hobane 'muso o imetsoe.

Mefuta ea lihlahisoa

Re hlahisa mesebetsi eohle ea tšepe ea ho chese-

hela baithuti ba qetelang lithuto tsa bona ka Fokothi, ho tla etsa 'internship' tsa bona, e le hore re ba fe lit-

ea nako e telele. Morero o mong oa rona ke ho thusa naha hore e se lahleheloe ke chelete e ngata ka ho 'na



Listen To Us Here

Mafeteng
Mohale's Hoek
Qach's Nek
Quthing



Maseru
Berea
Leribe



Mokhotlong
Thaba Tseka
Butha Buthe



www.bokamoso974.co.za

Ha o ikamahanye

Nthabeleng Seitlheko

Muso oa Lesotho ka Lekala la Tsa Machabeng ka Mohlomphehi Lejone Mpotjoane, o re ha o lumellane le khato ea Dr. Tšepo Lipholo, ea ho qholotsa Lekhotla la Machaba a Kopaneng ho phethahatsa kahlolo ea hore Basotho ba khutlisetsoe naha ea bona, hobane o ne o sa mo fa matla a ho etsa joalo. Litaba tsena li hlaleletse 'mokeng oa bo-ralitaba ka la 10 Hlakola monongoaha.

O re taba ea hae e ka qholotsa ntoa e mahlo-mafubelu lipakeng tsa Lesotho le Afrika Boroa. Ka hoo o re e hloka ho atameloa ka mokhoa o hlokolosi mol-emong oa Naha ea Lesotho le khotso kaha bona ba khotlaetsa khotso kahar'a naha.

O tsoetsepele hore paramente e ile ea tjobela matjoing tšisinyo ea Lipholo ka mahlakore a eona a mabeli, hape litaba tsena, ke tse lokelang ho sebetsoa tlas'a tlhopho-bocha, ka hona 'muso ha o ikamahanye ka hohle-hohle le leeto la Lipholo.

"Dr. Lipholo o ile moo a sa rongoa ke paramente kapa 'muso, ebile o ne a sa emela sechaba sa Basotho." Ke Mpotjoane eo. Leha ho le joalo, o itse Machaba a Kopaneng a ne a ntse qeto ka selemo sa 1962 hore naha ea Basotho e hapuoeng e khutlisoe.

"Joale re maketse hoba Dr. Lipholo lengolong la hae o re naha eno ea Basotho

e khutle e se le naha e ikemetseng e ncha, e se karolo ea Lesotho." "Hantle ke ha a re'ng ha a cho joalo?" "Dr. Lipholo o re'ng ka Botlotlehi ba naha ee le sechaba sa Basotho?" A ipotsa joalo.

"Ho ea ka eena, sena se bolela hore ha naha eo e khutla, e t'lo khutla e se e le naha e ncha, joale ho tla ba le Lesotho, Afrika Boroa le naha eno e ncha." O bua ka

ho makala ho hoholo.

Letona le boetse la re 'muso o maketse haholo hore Lipholo tsekong ea hae o batla hore Machaba a Kopaneng a mo fe naha eo e ncha a e tsamaise le matona a hae (shadow cabinet). O boetse a toboketsa hore ba tseba hore naha e hapiloeng ke ea Basotho.

O phethetse hore Lipholo o atametse taba ena ka tse-

la e fosahetseng, 'me bona ba batla ho etsa boithuto bo tebileng ka taba ena ebe kamora moo ba ntšetsa-pele lipuisano tseo ba li qalileng le Afrika Boroa ka selemo sa 2023 hore naha e khutle.

"Katamelo e mpe tabeng ena e ka ba le litholoana tse bosula 'me ea baka tšollo ea mali, tahlehelo ea bophelo le tšenyho ea thepa joaloka meaho. Re se re bone litholoana tse bosula tse ileng tsa hlaha moo ho tsekoang naha joaloka linaheng tsa Ukraine le Russia, Israel le Palestine le mane Sudan.

Polelo ea 'muso e latela hore Dr. Tšepo Lipholo a lebe Lekhotleng la Machaba a Kopaneng hore a phethahatse qeto ea selemo sa 1962 hore Afrika Boroa e khutlise naha ea Basotho e hapuoeng ke Makhooa a ileng a e abela Maburu.

Lipholo pele a leba Amerika o ile a kopa paramente ea Lesotho hore e phatlalatsa meeli e mecha ea naha ea ho latela qeto ea machaba a kopaneng hore naha e hapuoeng ke Maburu e khutle empa maparamente a 'muso a hanana le eena. Ke moo a ileng a ngolla Machaba a Kopaneng lengolo a ba a le isa Ntlo-Kholo, Amerika.



O thonyetsoa bookameli ba DCEO

Nthabeleng Seitlheko

Adv. Brigadier Mantšo Sello ke Mookameli e mocha oa Setsi sa Taolo le Toantšo ea Bobolu le Bomenemene (DCEO), kamor'a boitokollo ba Adv. Motlalekhotso Knox Molelle. Litaba tsena li tiisitsoe ke Raliphatlatso DCEO, 'Matlhokomelo Senoko, ka la 11 Hlakola monongoaha.

O itse ba fumane hore ba se ba e-na le mookameli e mocha ea t'lo kopana le basebetsi sebakeng seo, ho tsebana le bona mohlo-mong le ho teka meralo. O re o sitoa ho tseba hore na eo o t'lo sebetsa nako e kae kaha tumellano ea tšebetso e le lipakeng tsa bona le mohiri.

A re mookameli e mocha ke hona a tla kopana le bohlanga bohle ba setsi,

pele bophatlalatsi bo ka mamelea ho tla utloa chebelepele ea hae e ncha.

Phala ea Sesole sa Lesotho, Colonel Sakeng Lekola, e itse Brigadier Mantšo Sello o alinngoe ho DCEO ho latela molao oa sesole oa selemo sa 1996, 7 le (3), e supa hore lesole la Lesotho le ka alingoana mafapheng a 'muso holima lipehelo tse tla be li behiloe joalokaha ho na le masole a ntseng a alimanoefapheng la temo.

A re eo e ntse e le setho se feletseng sa Sesole sa Lesotho, 'me ha a qetile nako ea hae moo o tla khutlela tšebetsong ea hae, 'me sekheo seo a se siileng mosebetsing se tla tlatsoa.

Phala Ofising ea Tona-Kholo Thapelo Mabote o itse khiri ea Adv. Sello ha ea bapatsa, o khethiloe ka makhabane a bonoeng ke 'muso. A re h'a leseling la likateng tsa tumellano ea tšebetso ea mookameli e

mocha le 'muso kaha tšebetso ea hae e le lipakeng tsa hae le mohiri.

A re leha ho le joalo o ile

a fuoa tlaleho ea hore Adv. Molelle, Letona la Molao le Adv. Brigadier Sello moo ba neng ba nehelet-

sana mosebetsi, le ho leb-oha mosebetsi. A re o ile a hlalositsoa hore mosebetsi oo o tsamaile ka makhethe.



Photo ka LDF

Mofetše o atela bana

Nthabeleng Seithleko

Mofetše oa mali o hlalosa o atile baneng, ka lebaka leo batsoali ba lokela ho ela hloko matšoao a sefuba, mala le liso tse sa foleng leha ngoana a ile a isoa kalafong hobane ao ka mang a matšoao a lefu la mofetše baneng. Litaba tse na li hlalositsoe ke mothehi oa Mokhatlo oa Childhood Cancer Awareness 'Mampho Tšupane, puisanong le Koranta ka la 10 Hlakola monongoaha.

A re mofetše o atileng baneng ke oa mali, booko, leihlo, mesifa, phieo le methapo, 'me Naha ea Lesotho ha se mokhelo litabeng tse na kaha bana ba okoa ba le bangata ka ntle ho naha ka lebaka la mofetše.

Mofetše hangata o itlhabi-sa baneng ba lilemo life?

Bana bohle ekaba mahlat-

sa phekohe, batsoali ba sebelisa litlama ho phekohe bana kapa lingaka tsa setso, na se se ka thusa?

Batsoali ba tlohele ho bapisa mofetše le boloi kaha e le bothata bo teng, ba ise bana litsing tse sebetanang le mafu ana, kaha ho fihlela ha joale ho se mokhoa o mong o seng o hlalositsoe o ka phekohe mofetše tlasa boemo bofe kapa bofe.

Ke bana ba mofuta ofe ba bonahalang ba e-ba tlakotsing ea lefu lee?

Bana bohle ba tlakotsing empa re na le palo e holimo ea bana ba tsoang literekeng tse kantle ho Maseru, re hlokometse hore bothata ke khaello ea thuto sechabeng le bohole ba litsi tsa bophelo.

Ke mekhoha efe eo le e sebelisang le le mokhatlo ho fana ka thuto?

Ha joale re tsoile letšolo ho etela likolo ka ho fapakanana ho fana ka thuto baneng hobane ha ba e-na le tsebo, thuto e fetela ha bonolo ho batsoali kaha e le batho



a fumantšitsoe kalafo?

Re na le bothata ba batsoali ba tlohellisang bana litlhare ha ba bona hore b'a fola, kamor'a ho fumantšoa kalafo ebe mofetše oa nama, qetellong ngoana o lahlehelo ke bophelo.

tho ba sebetang, see se ka ama ngoana joang?

Batsoali ba lokela ho nka boikarabello ba tsebe litaba tsa bophelo ba bana ba bona, ba ithute ba tsebe ka litaba tse na kaha li ka ama ngoana nako eohle, bophelo ba bana ba bona ha bo matsohong a 'muso bo matsohong a bona.

Ke'ng se bakelang batho

kolong sa St. James Anglican Church, e le ho hopola mahlatsoa a lefu lena, bana ba ileng ba feloa ke bophelo le ho fana ka tšehetso ho ba ntseng ba le leetong lena.

Molula-Setulo oa Komiti ea Paramente ea Boiketlo ba Sechaba Makhalanya Mokhothu, o hlalositse hore Naha ea Lesotho e loke-

tšabo ea ho ea kalafong ea lefu la mofetše?

Mokhoa ono o sebelisoang o bohale kaha o bolae 'li-cell' hore li se ke tsa nama le 'mele 'me mofetše oa fola, oa phekohe ha motho a ile setsing ka nako

la ho sebetsoa ka thata ka 'muso ho bona hore litsi tsa Bophelo tse sebetanang le mofetše li ba teng literakeng, ho thusa ho imolla sechaba se fumanang kalafo hole le metse. A re ba boele ba bone hore litlhare li fumaneha haufinyane le hae hore bakuli ba se ke ba senyeheloa kaha ba se ntse ba imetsoe.

Har'a litaba tsa hae, o supile hore Lekala la Bophelo le tlameha ho matlafatsa baoki le lingaka hore ba il'o ithutela mafu a sa phekoheheng ha bobebe hore Basotho ba tsebe ho fumantšoa kalafo e tla thusa ho theolela 'muso litjeo tse boima tsa ho oka lefu lena naheng ea boahelani.

O re ebang ho sa etsoe joalo Lesotho le tla lula le ruisa linaha tse ling ka lichelete, empa ho na le bokhoni ba hore liphetohe li be teng ebile 'muso o sebelisa bonyane M250,000.00 sebakeng sa mokuli a le mong oa mofetše.

Ho sa le joalo tlaleho ea selemo sa 2020 ea Mokhatlo oa Lefatše oa Bophelo(WHO) ka Lefapha la Liphuputso tsa Lefu la Mofetše le hakanya hore ke bonyane 77% ea litlaleho tsa mofetše tse tla beng li nyolohile ka selemo sa 2050. Hona ho bolela hore e tla be e le bonyane 35 million ea litlaleho tsa lefu lena e tla beng e tlalehilo, ha ka 2020 ho ne ho hakantsoe bonyane 20million.

Mohoo oa selemo sena ke "Nka khato."



sipa, ha o khethe nku ka pere, ntho e kholo ke hore batsoali ba ise bana litsing ka nako hobane ba bang b'a lieha ebe ngoana o okoa mofetše o se o namme hoo ho bang le tahlehelo ea bophelo.

Hangata ha ngoana a fetoha karolong ea 'mele oa hae, haholo leihlo kapa a ba le bokulo ba nako e telele a

ba tsebang ho itlhokomela, haholo ba etela Likolo tse Phahameng moo baithuti ba seng ba ithuta ka matla ka litaba tsa bophelo bo botle. Leha ho le joalo re lakatsa ho anela naha ka bophara, empa e le taba ea tlhokahalo ea lisebelisoa.

Ke qholotso efe eo le tobanang le eona nakong ea kalafo kapa ha ngoana a se

E 'ngoe ea lintho tseo batsoali ba lokelang ho e hlokomela ke hore ngoana a ka ruruha mpa ha na le mofetše e se hobane a louoe, batsoali ba nke khato.

Ho bonahala batsoali haholo basali ba tlaase lilemong ba sa tsotelle kapa ho hlokomela bophelo ba bana ba bona, ba ba tšepisa ba-

le ho isa ngoana setsing, pele o fihla mokhahlelong oa boraro o kotsi, le oa bone o kotsi haholo o lebisang ho timeleng ha motho.

O re ka la 15 Hlakola monongoaha e tla be e le Letsatsi la Lefatše la Mofetše oa Bana, 'me letsatsi leo ba tla le keteka ka la 14 Hlakola monongoaha ka ho fana ka thuto Se-

Ba ithuta tse ncha



Nthabeleng Seithheko

Lekala la Tekano, Bacha le Ntšetsopele ea Sechaba le tšoere thupelo e reretsoeng ho thakela baphatlalatsi ka malebela a ho tlaleha ka nepo le kutloisiso ea molao oa selemo sa 2021, litabeng tse amang batho ba nang le bokooa. Tsena li bile ka la 11 ho isa 12 Hlakola monongoaha. Motlatsi oa Mongoli e Moholo oa Lekala Makhele Sekati, o hlalositse hore Lesotho le ile la tekenela tokomane ea Machaba a Kopaneng ea selemo sa 2008, moo e neng e etsa boitlamo ba ho hlokomela litokelo tsa batho ba nang le bokooa, ke boitlamo boo bo ileng ba qholotsa hore ebe e se e e-na le molao oa 2021, o tsamaisang litaba tsa batho ba nang le bokooa.

O re taba e kholo ke hore batho ba nang le bokooa ba tšoaro e hantle joaloka batho bohle le ho fumantšoa litšebeliso tse ba lokelang. Ntho e kholo o itse ke hore ba boele ba nolofaloe ke ho sebelisa lineo le litalenta tsa bona le hore li amoheloe kahar'a sechaba li sebeliso le ho fumantšoa mesebetsi.

O supile hore ba boetse ba kenya letsoho khahong ea moruo ka litsebo tsa bona joaloka batho bohle 'me ba lokela ho ananeloa joaloka batho bohle.

Mookameli Lefapheng la Batho ba nang le Bokooa Lekaleng 'Mathabo Pama, o supile hore tebello ea bona ke hore molao ona o tse-

joe kahar'a sechaba, 'me baphatlalatsi ba fetise moletsa khafetsa ba bile ba utloisisa le ho fana ka thuto ka litaba tsa batho ba nang le bokooa.



Ho ea ka molao oa 2021 khaolo ea (4) 11 e supa hore ha joale ho se ho tla theoa Lekhotla la Boeletsi ho 'muso ho batho ba nang le bokooa, e le le ikemetseng ka mosebetsi oa lona. Lekhotla lena le ka qosa, la sebetsana le litaba tsa batho ba nang le bokooa tseo e leng liqholotso kahar'a naha, ho etsa bonnete ba hore lipehelo tsohle tsa molao li ea phethahatsoa.

Le boela le sebetsana le moo ho hatiketsoeng litokelo tsa mantlha tsa botho, le ngolise le ho alosa tšebetso ea mahae ao ho lulang batho ba nang le bokooa. Le

tla fana ka thuto sechabeng ho bona hore se tseba ka litokelo tsa mantlha tsa batho ba nang le bokooa.

Lekhotla lena le thehiloe ka mookameli oa lona ea tl'ona nka lilemo tse tharo, boemeli ba LNFOOD, setsebi sa thuto e ikhethang, boemeli ba Mekhatlo e Ikemetseng, boemeli ba Mokhatlo oa Liakhente, boemeli ba Mokhatlo oa Baaki le Lingaka, Morena oa Sehlooho, moemeli oa khansela le moemeli oa khoebo.

Lekhotla lena la boeletsi le thehiloe ka selemo sa 2023, la hlapantšoa ka 2024 empa ha le e-s'o qale tšebetso, kaha e le hona le sa tsoa hireloa bookameli.

Ho sa le joalo Mookameli Ofising ea Molao Adv. Linkeng Khubetsoana, o hlalositse hore molao ona, o hlalosa hore nakong ea lilemo tse hlano har'a tse ling meaho ebe e amohela ho mefuta eohle ea sechaba, ha chelete ea batho ba

nang le bokooa e fanoa ho batho ba nang le bokooa bo tebileng e fanoang kamor'a likhoeli tse tharo e le M1, 800.00, ha ka khoeli ba fuoe M600.00.

A re Naha ea Lesotho ha joale e se e phethetse leano le tl'ona thusa ho laola phano ea lithusa-tšehetsi kahar'a naha, 'me lona le se le emetse ho hlohonolofatsoa ke Lekhotla ka Matona le la boeletsi.

Ha joale mokhoa ona o mocha o ntlafalitsoe ka hore

oo. O boetse ke e mong oa baphatlalatsi ba tlalehang le ho bua ka litaba tsa batho ba nang le bokooa empa o ne a etsa seo a se na kutloisiso, a khannoa ke kutloelo-bohloko le ho rata ho bona litokelo tsa bona li hlompheua joaloka tsa bohle.

"Thupelo ena e mputse mahlo hore na nka fetisa thuto joang le ho thusa sechaba ho rua tsebo ka litaba tsa batho ba nang le



batho ba nang le bokooa ba thakeloe ka malebela a boipheliso, ho feta hore ba khaketsoe. Batho ba nang le bokooa ba nke liqeto linthong tse ba amang.

E mong oa baphatlalatsi thupelong, Lintle Ramatla ho hlaha Bokamoso FM ba hlalositse hore ebile moithaopi ea neng a thusa bana ba nang le bokooa ho natefelo ke bophelo, ho tloha a le lilemo li 15, ha joale o na le lilemo 20 a etsa mosebetsi

bokooa le phelisano ea rona le bona kahar'a sechaba." ke Ramatla eo.

E mong oa baphatlalatsi Mpinane Thulo ho hlaha Moafrika FM, o hlalositse hore thupelo ena e mo butse mahlo a hore ho na le likatleho tse fihletsoeng ke lekala ntlafatsong ea batho ba nang le bokooa le tšireletsehong ea bona ea litokelo tsa mantlha tsa botho, haholo molao o thusang hore boikemelo bo be teng.


O re batho ba bangata ha ba na tsebo ka litaba tsa melao, ka hoo ho bohlokoa hore ha ntlafalo le phetoho e le teng kahar'a melao baphatlalatsi ba tsebe, ba rutoe e le hore ba fane ka thuto sechabeng. O thoholelitse lekala ka thupelo ena ka le reng kaha mesebetsi oa hae, le lerato la hae le lutse ntlafalong ea batho ba nang le bokooa le bophelo bo botle seo se entse hore tšebetso ea hae e be e matla ea motho ea nang le litsebo. O phethetse ka ho ipiletsa ho makala ohle ho nka mohlala kaha le etse hloko bohlokoa ba baphatlalatsi.





MOB KIDDS EDUTAINMENT

Puzzle MOB 93-4573



Across


- 3 Ho itja sekhababa. (10)
- 6 Lebitso la Sesotho la monoana o motona ka letsohong le letona. (5)
- 9 Le leng la mabitso a menoana ka letsohong le letšehali. (12)
- 11 Khomo e felehetsang mofu (6)
- 12 Lentsoe le leng le bolelang mokhubu (9)
- 14 Lentsoe le bolelang ho pepeta (11)
- 15 Mofuta oa lino tsa Basotho. (6)
- 16 Lihaba tsa mokopu tse bajuoeng, tse sa tsoakoang ka letho (11)
- 17 Lebitso le bolelang joala ba Sesotho. (6)
- 18 Lentsoe le fanang ka moelelo o tšoanang le la komello. (8)

Down

- 1 Marapo a tlamang kobo e apesoang mofu. (6)
- 2 Phofu ea lithootse tsa Mokopu tse halikiloeng (7)
- 4 Tse ling tsa lijo tsa Balisana naheng (8-8)
- 5 Lebitso la nonyana eo u e tsebang (6)
- 7 Lipeo tse tsamaisoang le mofu (8)
- 8 Lihaba tse omisitsoeng tsa nt'o tsoakoa ka mokopu o omisitsoeng. (4-2-4)
- 10 Mofuta oa bohobe ba Basotho (10)
- 13 Lijo tse siuoeng ke mokhoenyana bohoeng. (9)

SOLUTION

MOB 93-4572





TSA KEREKE

Ba fuoa tlhohonolofatso

Tseliso Thakholi

Litho tsa komiti e ncha ea Kopano ea Baena ba Setefane tsa Parish ea Maria Mofumahali oa Lefatše, Mazenod tse sa tsoa khethoa, li tliil'o hlohonolofatsoa le ho hlammisoa ka molao litšebetsong tsa Sehlabelo se Halalelang sa 'Missa tse tliil'o tsoareloa hona Parish-ing ka la 23 Hlakola 2025.

Puisanong le mookameli e mocha, Mafisa Fobo o qalile pele ka ho leboha litho tsa habo ka ho mo tšepela ho ba mookameli nako ena ea

litho tse ncha ho kena Kopano, ho holisa le ho matlafatso litho tsa bona tse tsoang likolong ka ho ba hlahisetso mekhoha ea boipheliso e kang ea temo le likhoebo tse nyenyane le ho thusa bao e bang ba ntse ba le likolong ho ba le thahasello ea ho rata lithuto tsa bona, e le hore ha selemo se fela ba be ba sebelitse hantle.

"E 'ngoe e kholo haholo eo re ntseng re na le eona ke morero o moholo oa BASA 6 e leng CD ea rona e ncha e bitsoang 'Abba' e leng Ntate e ka 'nang ea tsoa ka khoeli ea bone monongoaha. Re tliil'o etsa hore ha e tsoa 'mino oa rona o fumanehe marang-rang le

'nete ea nang le boikarabelo kaha ho bonahala matsatsing ana, naha e se e jele boea ho e-na le manomoro hoo batsoali ba seng ba lla ka hore bana ba bona ba tsoile tseleng.

E le ho ba chorisana likelello le ho ba ntša linthong tse ka senyang bophelo ba bona, o itse ba na le lipapali tse fapakaneng tseo ba li bapalang le ho tsoara liphuthetho ho kopana le litho tsa bona khafetsa ho lula ba inchafatsa ka linako tsohle. A ipiletsa ho bohle ho tsoarana ka matsoho le komiti ea habo e ncha ho holisa Kopano.

Ho sa le joalo komiti e ncha e eme tjena: Molu-



lilemo tse tharo tsa bophelo ba komiti. A re mosebetsi oo a o filoeng o moholo le ho ba boima empa ka tšehetso le tšebeliso 'moho ea bona o tla atleha ho fihlela merero le sepheo sa Kopano.

A re meralo e meholo ea komiti ena e ncha ke ho holisa Kopano ka ho etsa matšolo a ho khotlaetsa

ka metsumpana." O boletse joalo a bile a eketsa ka hore sepheo se seholo sa Kopano ke ho thusa bahlangana ho arabela lipitso tsa bona, e ka ba tsa lenyalo kapa tsa boprista.

A bontša hore Kopano e boetse e sebetsana le hore mohlankana e mong le e mong eo e leng setho sa Kopano, eba motho oa

la-Setulo ke Masifa Fobo, Motlatsi oa hae ke Thabo Moroka, Mongoli ke Tankiso Majara, Motlatsi ke Moalosi Mashapha, Ramatloto ke Tebelo Leshoella, Litho ke Reamohetse Sello le Khotso Rapeane, Baphatlalatsi ke Moshaoanyane Sello le Rethabile Ramokotjo. Komiti ena e tliilo felloa ke nako kamora lilemo tse tharo.

2024-2025 SELEMO C

SONTAHA SA 6 HAR'A SELEMO

Jeremia 17:5-8
Pesalema 1
1 Ba-Korinthe 15:12,16-20
Luka 6:17,20-26

Khothatso

Ho lehlohonolo ba tšepang Morena

Hantle ho beha tšepo ea hau ho motho kapa ho Morena ho bolela'ng? Ka ho ea ka tlhaloso ea lingoloa lentsoe tšepo le bolela ho itšetleha ka motho le ho beha bophelo bohle ba hau matsohong a hae. Empa tlhaloso e 'ngoe e ka bang bobebe kapa ho utloisiseha habobebe ke ea ngoan'a lilemo li hlano. O behile tšepo eohle ea hae ho batsoali ho mo etsetsa lithoko tsohle tsa mantlha 'moho le tsohle le amanang le kholo ea hae ea 'mele le moea. Ha ho mohla a ka nahanang ho il'o batla bolulo kapa motho e mong ea tla mo fepa. O tšepela batsoali ba hae ho etsa tsohle.

Ho tšepa Morena ke ntho e tsoanang, le lona batho ba baholo le lokela ho amohela ka thabo le teboho tsohle tseo Morena a le fang tsona, e ka ba ho latela lithoko tsa nama kapa moea ho latela pitso eo le e fuoeng bophelong ba lona. Hona ke ho ananela hore lithoko tsa moprista le moitlami li fapakaneng le tsa motho ea lenyalong. Ho tšepa Morena ho bolela hantle ho etsa joalo e se ho itšepa (Ba-Roma 1:21) hobane ho etsa joalo ke ho tloa Molao oa Pele. Ho beha tšepo ea hau ho uena ho feta Morena ho bolela hore ha u mo tšepa.

Ha u nka qeto e tla fetola bophelo ba hau joaloka ea lenyalo kapa ho reka ntlo, u lokela ho rapela e le ho kopa tataiso ho Morena. (Luka 18:1) Ha u lokele ho lumella maikutlo le lita-katso ho phahamela tumelo ea hau.

Morena o tšepetse baprista ho alosa meea ea balumeli, likhutsana ho bahlokomeli ba tsona, bakuli le metsofe ho ba lokelang. Motho ka mong o fuoe boikarabelo bo lokelang pitso ea hae, ka hona e mong le e mong a phethe tokelo ea hae molemong oa bohle.

Ho etsahala'ng ha tšepo e se e le sieo? Nakong eo barui ba sa natseng mafutsana le bahloki? Bohle ba ichebetseng boithabiso feela ka ho noa joala mafelo a mang le a mang a beke ba se ntse ba fumane moputso oa bona. (Luka 6:24) Ha ba ntse ba lla (Luka 6:25) lefifing la bosafeleng, (Matheus 8:12) ba tla nyoreloa ho ba le Morena.

Bana b'eso Morena o re tšepetse lintho tse ngata haholo joaloka Papiso ea litalenta e bolela (Matheus 25:14-30). O re file tse ngata 'me o lebeletse hore re ithute le ho khola tse molemo ho tsohle tseo a li behileng kapele ho rona. Haeba re sebelisa tseo a re fileng tsona hampe re tlo qetella re le bahloki. Empa haeba re li sebelisetsa kholong ea bophelo ba moea, leratong, ho hlokomela ba behiloeng boliseng ba rona re tla ekeletsoa le ho feta. (Matheus 25:21)

Bekeng ena ha re shebeng tsohle tse behileng boliseng ba rona, tšepo ea rona ho Morena, ho bana ba habo rona hobane seo se re etsang ho bona re se etsa ho Morena Jesu. Ha re kopeng Morena hore ka mohau oa hae re eelloe bofokoli ba rona ba botho, 'me ka matla a Moea o Halalelang re sebelise kelello ea moea ho khutlisa tšepo e lahlehileng. Ha re se re entse joalo re tla balelloa hara bao ho tla thoe ka bona, "Ho lehlohonolo ba behang tšepo ea bona ho Morena."

Bahalaleli har'a Beke

- | | |
|------------|-----------|
| 17 Hlakola | Loman |
| 18 Hlakola | Angilbert |
| 19 Hlakola | Odran |
| 20 Hlakola | Bolcan |
| 21 Hlakola | Valerius |
| 22 Hlakola | Elwin |

Lipapali li bopa bonngoe-Maqelepo



Tseliso Thakholi

Letona la Lipapali, Bohahlauli, Bono- no le Bochaba, Mohlomphehi Mot- latsi Maqelepo o re lipapali li bapala karolo e kholo ea ho tliisa khotso le ho bopa bonngoe ba sechaba sa Basotho. Tsena o li buile nakong eo a neng a thakhola ka molao mojao o mocha oa lipere oa Moshoesoe's Day Horse Race, tšebeletsong e neng e tšoaretsoe Avani Lesotho, Maseru ka la 10 Hlakola 2025.

Maqelepo o boletse hore papali ea peiso ea lipere ke ea mehleng ea baholo-holo ba rona, 'me e tliisa thabo e khethehileng ho sechaba sa Basotho. A re bona ba sebelisa lipapali ho bopa khotso le bonngoe ba sechaba. "Mona lipapaling ke sebetisa sa rona se khethehileng seo re se sebelisang ho tliisa bonngoe le khotso ke lipapali. Re sebelisa lipapali ho bona hore sechaba sa Basotho se ea kopana le ho ba ngatana-nngoe." Ke Letona leo.

H'a tsoelapele, o boetse a bontša hore ba sebelisa

lipapali bakeng sa kholiso ea moruo kaha ho tla ba le mekhahlelo e fapakaneng ea bahoebi e tlang ho rekisa lihlahisoa tsa bona nakong ea lipapali. A re li boetse li kenyeletsa le boithabiso bo bong bo kang ba 'mino. A etsa tlhokomeliso ho sechaba hore ha se 'muso feela o lokelang ho kenya letsoho le toma lipapaling, empa ke likampani le bahoebi ba lokelang ho etsa letsoho la monna lipapaling.

H'a bua tšebeletsong ena, motšehetsi oa mojao ona Bishop David Ramela o itse ho thakholoa ha

mojao ona ke nalane ho sechaba sa Basotho kaha papali ea mojao oa lipere e le bohlokoa haholo sechabeng sa Basotho kaha e sa le e le sechaba tse tsabahalang ka ho palama lipere. A re taba-tabelo ea hae ke ho bona kholo e ba teng papaling ea peiso ea lipere le lintlafatso tse kenyeletsang hara tse ling mabala a peiso moo a bontšitseng hore e tla otlala talenta ea papali ena.

A qetella ka ho re morero o moholo oa hae ke hore lilemong tse peli ho isa ho tse tharo tse tlang, ke ho bona hore Naha ea Lesotho eba le lebala la boemo ba machaba la mojao oa lipere.

President ea Mokhatlo

oa Lesotho oa Papali ea Lipere, Khalanyane Lehora o itse lilemong tse fetileng papali ea peiso ea lipere e ne e tšehetsoa ka chelete e kalo ka M10,000.00, empa ka tšehetso ea Ramela Foundation e se e nyolohetse ho M500,000.00. "Re thoholetsa le ho leboha Letlole lena haholo kaha ke la pele la ho fana ka tšehetso e kana-kana." A rialo. A re mojao ona o arotsoe ka mekhahlelo e 'meli, e leng oa lebelo la leparaka le terepele 'me mojao ka mong o aroletsoe M250,000.00 le hoja e le hona a itseng ba ntse ba hlophisa hore na pere ka 'ngoe e tla fumana moputso oa chelete e kae.



T-Born o tuka malakabe

Tseliso Thakholi

Mino oa Hip-Hop o neng o tloaelehile haholo ka ho bitsoa oa 'mahipi' o bonahala o ntse o hola ka sekhahla se seholo kahar'a naha 'me e sale o tšehelitsoe ka matla a maholo ke likakapa tsa 'mino tse o qalileng tse kang bo-Mokebe Sello 'Skebz D' le monna oa Mosotho ea binang a bile a repa ka Jesu Kriste e leng Tumelo Seliane ea tsejoang haholo mabaleng a 'mino ka la 'T-Born'.

T-Born o sa tsoa lokolla pokello ea lipina tsa hae tse 'ne tse tukang malakane moo a repang ka selumeli e bitsoang E ona Molimo, 'me e jere lipina tse kang Kea leboha, E ona o Molimo, Mosotho le Monate oa Lenyalo, tse ratoang le ho tuma haholo matsatsing ana a morao. Lipina tsena li'a fumaneha ho eena ka linako tseohle.

Ke tsona tseo a reng li ile tsa etsa hore a tume haholo



selika-likoeng sa 'mino oa Sotho Hip-Hop ngoahola ho isa selemong sena se secha ho latela bohale ba tso-

na. Pokello ena e ile ea late- loa ke Tribute to the Loved ones. Ke selemong sena T-Born a ntseng a khethile

ho phahamisa 'mino le talenta ea hae kahara naha le machabeng ka ho repa ka puo e mathe-maloli ea Se-

sotho.

Letlapa le leng hape la hae le ntseng le chesa tuku- tuku ke le bitsoang Sotho Man lona le raliloe ka lipina tse 12. O re lena h'a le mametse o utloa a e-ba le cheseho e kholo ea ho qapa lipina tse ngata kaha takatso ea hae e le ho ntša mabina-bine a pelo ea hae ka bohlokoa ba bophelo le motsoali oa hae, metsoalle le bana babo bao a oang a tsoha le bona ka linako tsohle.

A tsoelapele hore talenta ea 'mino e hlile ea iponahatsa ho eena a sa le monyenyanane haholo lile- mong, 'me morao tjena o kenyellelitse merethetho e monate ea 'mino oa Sesotho matlapeng ana a hae a macha. O qetelletse ka ho eletsa bacha hore ba latele litoro tsa bona, 'me haeba mocha a e-na le talenta ea 'mino o mo khotlaletsa ho bina hobane matsatsing a kajeno 'mino oa phelisa. "Bacha ba nang le talenta ea 'mino ba sebetse ka tha- ta ho fihlela katleho ea seo ba se hlohang." Ke eena eo.

Se ikoalla ka LMPS

ile sa e thusa haholo kaha e matlafalitse maemo a eona lokong.

Ka kakaretso papali ena ha e ea ka ea eba matla

Tšeliso Thakholi

Sehlopha sa bolo ea maoto sa A Division se nt-seng se loanela ho ba kahar'a lihlopha tse 'ne tse ka holimo lokong sa Swallows, se ile sa thabisa batšehetsi ba sona ba neng ba fokola haholo ka palo kahara Lebala la Swallows ka Moqebelo oa la 8 Hlakola 2025.

Swallows e ile ea ikoalla ka Sehlopha sa Qacha's Nek LMPS leotong la bobeli la lipapali tsa Liki ea A Division moo se ileng sa se mola ka thupa e bohloko ea 1-0. Ntlha e ileng ea hlajoa ke Mohau Khali karolong ea pele ea papali. Bekeng e fetileng ha leoto la bobeli le qala Swallows e ne ile ea hloleha ho hapa papali ea eona khahlanong le Qoaling Highlanders kaha e ile ea shapuo a 2-0 kapel'a batšehetsi ba eona ba neng ba tletse lebala tsoete!

Papali ea eona le Qacha's Nek LMPS e ne e le e ntle haholo lihlopha ka bobeli kaha li ne li fumana bolo le moea o bonahala o phahame haholo. Metsot-



song e ka bang 15 ea karolo ea pele ea papali ke moo Swallows e ileng ea hla ea akofela ho haka letlooa, ho sa khanya etsoe tsa mokhathala li sa tsejoe. Ntlha ena ile ea thefula baeti hona hoo ho ileng ha bonahala ba se ba e-na le matšoao a mokhathala le ho nyahama.

A mang a mathata a neng a bonahala, e ne e le hore mola o kapele oa Qacha's Nek LMPS ha o jelle phaate le ho ipha libaka ha e mong oa bona a tsoere bolo. Empa mpeng e ne e koelita e loana ea khumamela tekong ea ho leka ho harasoanya Swallows.

Li ile khefutsong e ntse e le 1-0 empa ha li khutla Qacha's Nek ea leka ho petetsa ka matla ho lekanya lintlha. Empa ha bonahala ba aha serobe phiri e se e jele. Sena se fihlitsitse papali pheletsong Swallows e ntse e ithomme pele ka ntlha e le 'ngoe ho lehe. Sena se

haholo ha e-ea qetellong, 'me Swallows e ntse e hloka ho koetlisa bahlankana ho hlaba lintlha ka mokhoa o matla. Kaholimo ho tsohle e na le libapali tse ntle ka bo-tsona feela joale li lokela ho sebetsoa haholo hore li ithute maqiti a ho hlaba lintlha.

Mehalalitoe le Banyana Banyana



tsa khale. Banyana Banyana e itokitsetsa lipapali tsa Mohope oa Machaba oa Afrika oa Basali oa 2025, o tla tsoareloa Naheng ea Morocco pakeng tsa la 5 le la 26 Phupu 2025.

Ho sa le joalo Mokoetlisi oa Sehlopha sa Naha sa Likuena, Leslie Notši o bitsitse libapali tse 25 tse keneng kampong ho itokitsetsa lipapali tsa ho phunyaletsa ho ea Mohopeng oa Le-

fatše. Naha ea Lesotho e Mokhahlalong oa C moo e pannoeng le Rwanda, Afrika Boroa, Benin, Nigeria le Zimbabwe. E tla simolla papali ea eona ea pele mahareng a Tlhakubele 2025 le Bafana Bafana Lebaleng la Peter Mokaba, Polokwane, ebe lipapali tsa bobeli li ba ka Loetse 2025. Athe papaling e hlahlamang e tla bapala le Nigeria ka Mphalane monongoaha.

Tšeliso Thakholi

Sehlopha sa Naha sa Basali sa Papali ea Bolo ea Maoto, Mehalalitoe se tla koebana le sa Banyana Banyana ea Afrika Boroa, lipapaling tse peli tsa setsoalle tse tlang ho bapalloa Lebaleng la Lucas Moripe, Afrika Boroa ka la 22 le la 25 Hlakola 2025. Sena se boletsoe ke Ofirisi ea Liphatalatlatso ea Mokhatlo oa Lesotho oa Bolo ea Maoto (LeFA), Monghali Mikia Kalati ea bontšit-seng hore hajoale sehlopha se kampong ho itokitsetsa lipapali tsona.

Kalati o boletse hore boitl-

hopho ke bo matla haholo 'me ha joale ba qalile ka libapali tsa koano haae ha libapali tse bapalang kantle li se li tla kenella hang ha lihlopha tsa tsona li se li ba lokolotse. Barati le batšehetsi ba bangata ba bolo bo boholo ba bona ba ne ba se ba sa khahloe haholo ke sehlopha sa Mehalalitoe kaha se ile sa hloloa haholo ngoahola lipapaling tseo se li bapetseng.

Monongoaha ba bang ba bona ba otlanya thupa le lefatše hore Banyana Banyana e tlii'o kopana le pela li falla. Ba re Mehalalitoe e bile le sekhobo sa nako e telele sa hore e lula e hloloa ka linako tsohle, "me re ti-

isetsa Basotho hore ho late-la ka moo re e boneng ka teng monongoaha lintho li fetohile." Ba rialo ba bile ba ipiletsa ho Basotho bohle ho tšehetsa sehlopha sa bona.

Ka lehlakoreng le leng, Mokoetlisi oa Banyana Banyana Dr. Desiree Ellis o se a hloaile libapali tse 25 tse tlii'o bapala lipapali tsa setsoalle le Mehalalitoe. Ellis o hloaile libapali tse ncha haholo tse ntseng li le nyenyane lilemong, 'me boholo ba tsona bo ile ba bapala lipapali tsa COSAFA Championships ngoahola. Ha ba bang e le karolo ea Sehlopha sa Naha sa U17, 'me tšepo ke hore ba tla nka malebela ho tsoa ho libapali



We have that potential project that we want to do and we see a massive impact it can have in changing our current existence into that we have always wished for. However, we are worried that though it has that much of a potential it's something that the general public may look down on, we let the opportunity to make a life changing decision go by. We remain stuck, stressed, we are not only stressed by the current situation but by the knowledge that there's a potential for change. We are worried by what people will say, we think what can change our lives is not people approved, legal and legit as it may, pride tells us not to do it, people will talk. The question is, "aren't they talking when we do nothing to change our lives?" I'm not advocate for separation or divorce as it is but most of us are hanging onto dead relationships because people will talk if or when we can leave, we would rather be depressed than have people talk. We should stop being worried about what people will say, we don't live for them we live with them, we cannot afford to reduce ourselves to their opinion. Whatever they say remains an opinion, let's rather let them speak while we make progressive changes in our lives.

What will people say syndrome is killing us.



Teboho Matjeka
63574502/58911803

ELEGANCE COUTURE

fabric that speaks

**REDEFINING ELEGANCE
WITH DESIGNS THAT
INSPIRE CONFIDENCE**



PHYSICAL ADDRESS:

TRADORETTE BUILDING ROOM B22

WHATSAPP: +266 58524642

FACEBOOK AS ELEGANCE COUTURE

INSTAGRAM AS ELEGANCE COUTURE



www.moeletsiabasotho.co.ls

Walk with style, wear your grace



SR e re qha!

Thakholi le Seitlheko

Adv. Brigadier Mantšo Sello, a itokolle boemong ba hae ba ho petlenngoa ke 'Muso oa Lesotho e le Mookame-li oa Setsi sa Toantšo ea Bobolu le Bomenemene (DCEO), kaha a sa beoa ka makhabane a iketela mosebetsi ka tsela e bulehileng joaloka batho bohle. Litaba tsena li boletsoe ke Moetapele oa Kanana ea Basotho (SR) Adv. Teboho Mojapela, ka la 13 Hlakola monongoaha.

O re ba t'lo phephethela khetho ea eo Makhotleng a Molao, kaha sena se entsoe ka lithahasello tsa setsoalle sa Tona-Kholo Samuel Ntsokoane Matekane

tsamaiso ea puso.

“Muso o bonahala o ikhaha ka Litsi tsa Tšireletso, ‘me hona ke ho koetela puso ea sechaba ka sechaba.” Ke Mojapela eo

O supile hore bona e le SR ba lomme molomo o ka tlaase ba ke ke ba lumella likhiro tsa mofuta ona tse se nang ponaletso, kaha ho ama boikemelo ba litsi le kholo ea tsona. O re ho khettha motho ka makhabane, pepeneneng ea sechaba ho bohlokoa kaha hoo e le ho khutlisa tšepo ea sona.

Tabeng ea hore Mokhatlo oa Liakhete Lesotho o ntšitse polelo ka la 11 Hlakola monongoaha, le supang ha ba boleletsoe hore Adv. Sello o tla itokolla sesoleng, hore a tle a tsamaisa setsi sa DCEO ka boikemelo ba sona, Mongoli e Moholo oa SR, Seoka Tjoetsane,



Liakhete Lesotho, sehloohong se buang ka khiri ea Mookame-li oa DCEO e

Tlaleho e tsoetsepele hore e le tšalo morao ea likateng tsa kopano eo, ka

lo lena le tekenetsoe ke Mongoli oa Mokhatlo Adv. Pamotse.



le Molaoli oa Sesole sa Lesotho, Lt. Gen. Mojalefa Letsoela, le taba ea hore 'Muso oa Lesotho ha oa bapatsa sekheo seo kamor'a hore Mookame-li oa setsi seo Adv. Knox Molelle a itokolle. O re ba boetse ba hopola hore nakong eo ba neng ba leka ho liha puso paramenteng ea Lesotho, Litsi tsa Tšireletso tsa Lesotho li ile tsa bonahala li na le thahasello litabeng tsa

o hlalositse hore taba eo e lokela ho emeloa ka maoto kaha boikemelo ba ofisi eo bo tla thusa hore toantšo ea bobolu e be e bonahalang ho se khethollo, kaha ba fumane hore hona ofising e tšoanang ho na le linyeoe tse ngata tse amang bobolu ba lichelete bo etsahalang ka Sesoleng sa Lesotho.

Ho sa le joalo, tlaleho e ntšitsoeng ke Mokhatlo oa

mocha, e hlalosa hore ka la 10 Hlakola monongoaha, ba ile ba ngolla Ofisi ea Tona-Kholo lengolo leo e neng e kopa kopano e le ho fumantšoa tlhaloso mabapi le taba eo, le hore tšohla litaba tsa molao na li re'ng. Tlaleho e bontša kopano e bile hona ka letsatsi leo, ba neng ba le teng e le Letona la Molao, Mongoli e Moholo le Ramolao e Moholo oa 'Muso.

la 11 Hlakola monongoaha, ba ile ba bolelloa hore Sello o tla itokolla Sesoleng sa Lesotho, e le ho arabela selo sa sechaba mabapi le boikemelo ba ofisi e joalo.

Ba phethetse ka hore ba tla tsoelapele ho beha liket-sahalo tsohle leihlo le ho etsa bonnete ba hore khiri tsohle tsa liofisi tse hloahl-oa li etsoa ho ipapisitsoe le molao e le ho boloka seriti sa ofisi tse joalo. Lengo-

Ho sa le joalo, Mojapela o tiisitse hore ba tšehetsa Dr. Lipholo ka ho intša sehlabelo hore meeli ea Naha ea Lesotho e khutlele ho Basotho, 'me a mema Basotho bohle hore le hae-ba ba fapakane ka tumelo, lipolotiki, botona kapa botšehali tabeng ena ba be ngatana-nngoe.

A re Lekhotla la habo le ikana ka hore moetaple ka makhabane, a supe tse-la 'me bona e le Lekhotla ba supile tsela ho ema le Moetapele oa BCM ho tsekela sechaba sa Basotho meeli ea bona. Ka hona a re ba makaletse haholo taba e ntseng e buoa ke Basotho ba bang ea hore Dr. Lipholo h'a atamela taba ena hantle. “Rona re re hantle kapa hampe taba eona e teng, 'me re ipiletsa ho Bakhetho- oa ba Sechaba Paramenteng ena hore re ke re beng ntsoeleng tabeng ena re le bale mebala ea rona re behe Lesotho pele.” A rialo.

Aphethela ka ho hlokome-lisa 'muso haholo-holo ka kotloloho Tona-Kholo Sam Matekane hore taba ena ke taba ha se 'mantloane, “me Mosotho o'a be a opile khomo lenaka ha a re ha ho le tjena li tsoa le beng ba tsona e seng Letona la Machabeng le ntse le tšosa Basotho ha ba tseka naha ea bona ka khotso e seng ka ntoa.”